

**Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
OPĆINSKI NAČELNIK**

**Broj: 02-19-1285/23
Vogošća, 21.06.2023.godine**

Na osnovu člana 2., člana 3., člana 4. i člana 5. Odluke o privremenom korištenju javnih površina („Službene novine Kantona Sarajevo“, broj: 7/06), Općinski načelnik Općine Vogošća **r a s p i s u j e**:

O G L A S

za dodjelu lokacije za privremeno korištenje javne površine u svrhu postavljanja kioska u ul. Igmanska (kod Taxi stajališta) u Vogošći

1. Predmet ovog Oglasa je dodjela lokacije za privremeno korištenje javne površine u svrhu postavljanja kioska u ul. Igmanska (kod taxi stajališta) u Vogošći, na zemljištu označenom kao dio k.č. br.1314 i dio k.č.1310/1 k.o. Vogošća.
2. Podaci o lokaciji i uslovi korištenja predmetne lokacije:
 - Gabariti kioska: 4,00 x 3,20 m (ukupna površina 12,80 m),
 - spratnost: prizemlje,
 - krov: ravni neprohodni
 - period korištenja: 1 (jedna) godina sa mogućnošću produženja važnosti roka po osnovu odobrenja nadležne službe
 - početna cijena: 10,00 KM/m² mjesečno
 - naknada za privremeno korišćenje javne površine plaća se unaprijed mjesečno.
3. Pravo učešća na ovom oglasu, odnosno pravo na privremeno korištenje javne površine imaju pravna lica registrovana za obavljanje određene djelatnosti i fizička lica koja imaju odobrenje za obavljanje djelatnosti.
4. Pravo prvenstva za zauzimanje javne površine za postavljanje kioska imat će:
 - ponuđač koji bude prvi na listi redoslijeda ponuđača, koja će se utvrditi prema broju bodova ostvarenih po osnovu kriterija iz člana 2. Odluke o privremenom korištenju javnih površina na teritoriji Općine Vogošća.
5. Uz prijavu na Oglas, koja treba da sadrži ponuđenu cijenu za korištenje kioska za koji se prijavljuje, potrebno je priložiti sljedeću dokumentaciju:
 - naziv i tačna adresa ponuđača
 - izvod iz sudskog registra (ako se radi o pravnom licu)
 - odobrenje za obavljanje djelatnosti (ako se radi o fizičkom licu)
 - ako se radi o nezaposlenim članovima uže porodice - priložiti dokaz
 - ako se radi o licu koje je član porodice šehida ili poginulog borca - priložiti dokaz

- ako se radi o licu koje je bilo angažovano u Oružanim snagama R BiH za vrijeme rata - priložiti dokaz
 - ako se radi o licu koje je ratni vojni invalid - priložiti dokaz
 - ako se radi o licu koje je dobitnik vojnog priznanja - priložiti dokaz
 - ako se radi o licu koje je logoraš - priložiti dokaz
 - ako se radi o licu koje je civilna žrtva rata – priložiti dokaz
6. - Priključak predmetnog kioska na elektrodistributivnu mrežu, izabrani ponuđač vrši u vlastitoj režiji.
- Za korištenje prostora ispred kioska u svrhu postavljanja frižidera, korisnik kioska dužan je, obratiti se posebnim zahtjevom Službi za komunalne poslove Općine Vogošća za korištenje ove površine, a za koju se plaća posebna naknada.
7. Zainteresovani ponuđači se za detaljnije informacije u vezi sa urbanističko - tehničkim uslovima predmetne lokacije mogu obratiti Službi za urbanizam i prostorno planiranje Općine Vogošća, svakim radnim danom od 8,00 – 16,00 sati ili na kontakt telefon 033/586-428.
8. Oglas ostaje otvoren osam (8) dana od dana objavljivanja u dnevnim novinama, zaključno sa osmim danom.
9. Svaki kandidat, je dužan na ime učešća na Oglasu, uplatiti iznos od 50,00 KM na žiro račun broj: 3380002210016547 Budžet Općine Vogošća kod Unicredit – d.d. Sarajevo i uplatnicu priložiti, odvojeno od ponude, prilikom njene predaje.
10. Prijave sa pratećom dokumentacijom potrebno je predati neposredno na protokol Općine Vogošća ili putem pošte.

Prijave na Oglas slati u zatvorenim kovertama sa naznakom "Prijava na Oglas za dodjelu lokacije za privremeno korištenje javne površine u svrhu postavljanja kioska u ul. Igmanska u Vogošći (kod taxi stajališta) " sa napomenom NE OTVARATI, na adresu: OPĆINA VOGOŠĆA – Služba za urbanizam i prostorno planiranje, ul. Jošanička br. 80, 71320 Vogošća.

Nepotpune i neblagovremene prijave se neće uzimati u razmatranje.

